

Қазақстан Республикасы Ішкі істер министрлігінің колледждеріне қабылдау ережелерін бекіту туралы

Күшін жойған

Бұйрық Қазақстан Республикасы Ішкі істер министрлігі 1999 жылғы 22 мамыр N 265 Қазақстан Республикасы Әділет министрлігінде 1999 жылғы 28 шілдеде тіркелді. Тіркеу N 859. Күші жойылды - ҚР Ішкі істер министрінің 2001 жылғы 16 маусымдағы N 473 бұйрығы. ~V011585

Қазақстан Республикасының "Білім туралы" Z990389_ Заңына сәйкес б ұ й ы р а м ы н :

1. Қазақстан Республикасы Ішкі істер министрлігінің колледждеріне қабылдау ережелері қосымшаға сай бекітілсін.
2. ПББ, ПБ, КИБ бастықтары осы ережелерді жеке құрамға оқытуды ұйымдастырсын және оқуға талапкерлермен таныстырсын.
3. Қазақстан Республикасы Ішкі істер министрлігі колледждерінің басшылары қабылдау емтиханын ұйымдастыру және талапкерлерді оқуға қабылдауда осы Ережелердің талаптарын қатаң сақтасын.
4. Қазақстан Республикасы Ішкі істер министрлігінің 1998 жылғы 7 мамырдағы N 140 V980611_ бұйрығының 1-ші тармағының, 1.2-ші тармақшасының күші жойылды деп саналсын.

Қ а з а қ с т а н Р е с п у б л и к а с ы
І ш к і і с т е р м и н и с т р і -
І ш к і ә с к е р қ о л б а с ш ы с ы

генерал-лейтенант

Қазақстан Республикасы
Ішкі істер министрінің 22 мамырдағы
N 265 бұйрығына қосымша

Қазақстан Республикасы Ішкі істер министрлігінің колледждеріне қабылдау ережелері

1. Қазақстан Республикасы Ішкі істер министрінің колледждеріне орта немесе арнайы орта білімі бар, ішкі істер органдары қызметкерлеріне қойылатын талаптарға жауап беретін, денсаулық жағдайы бойынша әскери қызметке және оқуға жарамды Қазақстан Республикасының азаматтары қабылданады.
2. Қазақстан Республикасы Ішкі істер министрінің колледждеріне оқуға түсушілер қабылдау емтихандарын қазақ және орыс тілдерінде тапсыра алады.

3. Қабылдау емтихандары (тесттік сынақ) жалпы орта мектептің жоғары сатыларының оқу бағдарламасы көлемінде үш пәннен жүргізіледі. Соның ішінде қазақ немесе орыс тілі және Қазақстан тарихы пәндері болуы міндетті. Қазақстан Республикасы Ішкі іс министрінің колледждеріне түсушілер, қабылдау емтиханының алдында, Қазақстан Республикасының Үкіметінің 1999 жылғы 24 маусымдағы N 774 "Қазақстан Республикасы тұрғындарының дене шынықтыру дайындығының Президенттік тесттері туралы" қаулысымен бекітілген нормативтерге сәйкес дене шынықтыру дайындығынан сынақ тапсырады.

Дене шынықтыру дайындығынан сынақ тапсыра алмағандар тесттік сынаққа жіберілмейді.

4. Тесттік сынақ мына пәндер бойынша жүргізіледі:
N 0202 "Құқық қорғау қызметі", N 0216 "Құқықтану" мамандығы бойынша:

- жалпы тарих;
- Қазақстан тарихы;
- қазақ және орыс тілі.

Оқу орындарының қабылдау комиссиясы қызметтен қол үзбей оқудың түсу емтихандарының тізімі мен өткізу түрін белгілейді.

5. Әрбір пәннен тест сұрақтарының саны 20-25 шегінде, ал үш пәннен жалпы саны 75 болуы керек. Дұрыс жауап бір ұпаймен бағаланады. Кешенді тестілеу пәндерінен алған талапкердің жауабының жалпы ұпай саны 30 пайыз немесе одан аз болса "екіге" бағаланады.

Кешенді тестілеуге астрономиялық екі сағат беріледі.

6. Қабылдау емтихандарының мерзімі күндізгі оқу факультеттеріне тамыздың 1-нен 10 дейінгі кезеңде, сырттай оқу факультеттеріне 3-нен 10 дейінгі кезеңде жүргізіледі.

7. Белгіленген үлгіде оқу орындарына қабылдаудың қорытындысы бойынша статистикалық есеп ІІМ Кадр және тәрбие жұмысы департаментінің Оқу орындары басқармасына күндізгі оқу бойынша тамыздың 20-дейін, сырттай оқыту бойынша қыркүйектің 25-дейін жіберіледі.

8. Оқуға қабылдау мамандықтар және оқу тілдері бойынша бөлек, ІІМ, ІІББ, ІІБ, КІІБ бөлген қабылдау орындарын ескере отырып, қабылдау емтихандарының нәтижелерін ескере отырып конкурстық негізде жүргізіледі.

9. Е м т и х а н с ы з :

- ерекше үлгідегі "Алтын белгі" аттестатының иегерлері;
- республикалық пән олимпиадалардың сол ағымдағы жылдың жеңімпаздары
- I, II, III дәрежелі дипломдарымен қабылдау емтиханының негізгі пәнінен марапатталғандар қабылданады.

Олимпиаданың пәні таңдаған мамандықтың негізгі пәніне сәйкес келмеген жағдайда қабылдау емтиханына енетін сол пәннен талапкерге ең жоғары ұпай

саны қойылады, ал басқа пәндерден босатылмайды және жалпыға бірдей негізде қ а б ы л д а н а д ы .

10. Жалпы конкурс бойынша, қабылдау емтихандарынан алған ұпайларының көрсеткіштері бойынша барлық басқа талапкерлер оқуға қабылданады. Ұпайларының көрсеткіштері бірдей болған жағдайда оқуға қабылдауға б а с ы м д ы л ы қ к ұ қ ы қ қ а и е :

- жетім балалар мен ата-ананың қамқорлығынсыз қалған балалар;
- қызметтік міндетін атқару кезінде қаза тапқан немесе мүгедек болған ішкі істер органдары қызметкерлерінің балалары;
- ішкі істер органдары қызметкерлері, ішкі әскерлердің әскери қызметшілері;
- жалпы білім беретін орта мектепті үздік аттестат пен арнайы орта оқу орындарын үздік дипломмен бітіргендер;
- а у ы л т ұ р ғ ы н д а р ы .

Осы ережелерге сәйкес оқуға қабылдануға жеңілдік құқығы бар талапкерлер тиісті құжаттарын тапсыруға міндетті.

11. Қабылдау емтихандарын қайта тапсыруға рұқсат етілмейді.

12. Дұрыс жауаптардың кодтары кешенді тест өткізілгеннен кейін ілінуі тиіс. Кешенді тест өткізілгеннен кейін бір тәулік ішінде талапкерлердің назарына тест н ә т и ж е л е р і б е р і л е д і .

13. Қабылдау емтихандарының апелляциясы тест нәтижелерін жариялағаннан кейін бір тәулік ішінде берілуі қажет. Алынған баға қабылдау комиссиясының дәлелді шешімімен ғана өзгертіледі.

14. Колледждерге қабылдау мамандықтар және оқу тілдері бойынша бөлек жоғары оқу орнының қабылдау комиссиясының ашық жиналысында өтеді.

15. Қабылдау ережелері, және де қабылдау комиссиясының оқуға қабылдауды ұйымдастыру және өткізу, емтихандардың кестесі, қабылдау мерзімі туралы мәліметтер талапкерлер назарына уақытында берілуі қажет.

16. Қабылдау комиссиясының оқуға қабылдау туралы шешімі колледж бастығының бұйрығымен ресімделеді. Қызметтен қол үзіп оқуға қабылданған адамдарды іссапарға жіберуге және сырттай оқуға түскен адамдарды демалыс, басқа да жеңілдіктер беруге бұйрықтың көшірмесі негіз болып табылады.

17. Конкурстан өтпеген талапкерлер ішкі істер органдарына, ішкі әскерлердің әскери бөлімдерінің қарамағына жіберіліп, қабылданбаған себебі көрсетілген же к е і с т е р і қ а й т а р ы л а д ы .

18. Оқу орындарында сабақтар колледждер оқу жоспарында және оқу процесінің кестесінде белгіленген мерзімдерде басталады. Сабаққа себепсіз 10 күн қатыспаған тыңдаушылар оқудан шығарылады.

Оқудан шығарылғандардың орнына қабылдау комиссиясы сабақ басталған

күннен бастап 1 айдың ішінде конкурстан өтпеген адамдарды қабылдай алады.

19. Осы қабылдау ережелерінде кесімделмеген мәселелерді Қазақстан Республикасы Ішкі істерінің колледждерінің қабылдау комиссиялары шешеді.

Қ а з а қ с т а н Р е с п у б л и к а с ы
І ш к і і с т е р м и н и с т р л і г і
К а д р ж ә н е т ә р б и е ж ұ м ы с ы
Д е п а р т а м е н т і н і ң

Оқу орындары басқармасы

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК